



दुर्लभ घडियाल निकरलै बच्चा सुदूरपश्चिमके उद्योगमे १५ सयहे रोजगारी



पहुरा समाचारदाता
धनगढी, ५ असार । कैलालीके डल्फिन संरक्षण क्षेत्रमे घडियाल गोह बच्चा निकरले बटै ।

पथरैया लडियामे घडियालले बच्चा निकारल हुइत । उ लडियामे दुर्लभ घडियाल बच्चा निकारल यी बेर लगातार तेस्रो बरस हो । कस्तीमे चारठो घडियाल बच्चा घोरल घडियालके घोल अनुगमन कैटी आइल संरक्षणकर्मी भोजराज ढुंगाना बटैलै ।

“चाठो खटहासे बच्चा निकरल डेखजाइत”, उहाँ कहलै, “मने, अब्बेसम दुईठो गोहकिल बच्चासंग डेखल बटै ।

औरै नुकल हुइ सेकै ।”

यी बरस पथरैयामे घडियालके ८६ ठो बच्चा डेखल दुइगाना बटैलै । उहाँके अनुसार कुछ अण्डा भर बिगारल पाइल बा । गैल बरस पथरैयामे दुईठो घोलसे घडियाल बच्चा निकारल रहित ।

पथरैया लडियामे घडियाल समयमे बच्चा निकरलेसे फेन मोहना ओ कर्णाली लडियामे भर आमिन बच्चा निकर्ना बाँकी रहल जनाइल बा । गैल बरस पथरैया ओ कर्णाली लडियामे ढिला घडियाल बच्चा निकारैबर बारहसे बच्चा पुहाके लैगिल रहे । ओस्टके, ढिला हुइल कुछ घोलहे बारह बिगारल रहे ।

डल्फिन डेखजैना कैलालीके पथरैया, मोहना ओ कर्णाली लडियामे घडियाल प्राकृतिक रूपमे बच्चा घोर्ना करल कारण यी लडियामे जहोर टहोर घडियाल सजिले डेखे सेकजाइत । तीन लडियामे बरसभर घडियाल बैठना करल बटै ।

९/१० बरसके हुइलपाछे पोथी घडियाल प्रजननके लाग परिपक्व हुइना करै । पुस, माघमे प्रजननपाछे पोथी फागुन, चैतओर अण्डा पना करै । यिने लडिया किनारके बालुमे घोल (खटहा) बनाके ओम्ने अक्केचो करिब ४० ठोसम अण्डा पना बटाजाइत ।

खटहामे अण्डा भाँठके गोह फेनसे जलासयमे जैना करै । मने, बच्चा नैनिकरटसम घरी घरी आपन घोलसम पुगके हेरचाह कैना करल जनाइल बा ।

“टरे उपरसे तापक्रम मिल्ना मेरके गोह घोल बनैले रहै”, डल्फिन जलचर तथा जैविक विविधता संरक्षण नेपालके अध्यक्षसमेत रहल ढुंगाना कहलै, “घोलमे रहल अण्डा अपनहे फुटके ६० से ९० दिनके बिचमे बच्चा निकरै ।”

अण्डा अपनहे फुटके निकरल बच्चाहे ओइनके डाइ आपन शरीरमे चहुँरवाके पानीमे आहारविहार करैना करै । ब्यस्क घडियाल बरा मच्छी ओ छोट बच्चा छोट मच्छी खैना करै । लोप हुइना अवस्थामे पुगल घडियाल गोह नेपालमे कम संख्यामे रहल बटाजाइत । राष्ट्रिय निकुञ्ज तथा वन्यजन्तु संरक्षण ऐन २०२९ से घडियालहे संरक्षित सरीसृप वन्यजन्तुके सूचीमे राखल बा ।

घडियाल गोह मगर गोहसे कम आक्रमक रैतै । हेरेबर घडियाल डरलगिटक डेखजैना कैलेसे फेन शान्त स्वभावके रहल अध्यक्ष ढुंगाना बटैलै । “जमिनमे नेंगे ओ कुडे नैसे कना हुइल ओरसे घडियाल गोह जमिनमे रखेटके सिकार करे नैसेकै”, उहाँ कहलै, “मने तथा अन्य स्तनधारी प्राणीके लाग घडियाल खासै खतरनाक नैहुइत ।”

पहुरा समाचारदाता

धनगढी, ५ असार । सुदूरपश्चिम प्रदेशमे सञ्चालनमे रहल उद्योगमे १ हजार ४ सय ५३ जाने रोजगारी पैले बटै ।

राष्ट्र बैंकसे बिफेके रोज सार्वजनिक करल सुदूरपश्चिम प्रदेशके आर्थिक बरस ०८१/०८२ के अर्धवार्षिक आर्थिक गतिविधि अध्ययनसे ओइसीन डेखाइल हो ।

उद्योगमे काम करइया कामदारमे महिलाके हिस्सा ९.०२ ओ पुरुषके ९०.९८ प्रतिशत रहल बा । उ उद्योगमे काम करइया कुल कामदारमध्ये २१.९५ प्रतिशत विदेशी रहल प्रतिवेदनसे औल्याइल बा ।

उ प्रदेशमे राष्ट्र बैंकसे खैना तेल, प्रशोधित दूध, गहुँके पिठा, चाउर, चिनी, काठ, साबुन, ईट्टे, रोजिन एन्ड टर्पेन्टाइन लगायतके उद्योग दर्ता रहलमे १३ ठो उद्योगसे नियमित रूपमे तथ्यांक संकलन कैके अध्ययन करल हो । ‘प्रशोधित दूधके उद्योग भर हाल सञ्चालनमे नैरहल ओरसे ओकर विवरण यी प्रतिवेदनमे समावेश करल नैहो,’ प्रतिवेदनमे कहल बा ।

उ अवधिमे यी प्रदेशके उद्योगके औसत क्षमता उपयोग ३५.७९ प्रतिशत

रहल बा । जौन अनुसार लाहीक तेल ओ कक्रिट उत्पादन कैना उद्योगके तुलनात्मक रूपमे ढेर क्षमता उपयोग हुइल डेखल बा । चाउर, गहुँके पिठा, चिनी, साबुन ओ ईट्टाके उत्पादन कैना उद्योगके औसत क्षमता उपयोग हुइल बा कलेसे रोजिन उत्पादन कैना उद्योगके क्षमता उपयोग शून्य रहल बा ।

ओस्टके, कच्चा पदार्थके कमी तथा खोटो संकलनमे हुइल ढिलाइके कारण रोजिनके उत्पादन शून्य रहल बा । अध्ययनमे समेटल उद्योगमे प्रत्यक्ष रोजगारी १ हजार ४ सय ५३ जाने रहल बटै । ईट्टाके उत्पादनमे १५० प्रतिशतसे वृद्धि हुइल बा कलेसे अन्य सक्कु उद्योगके उत्पादनमे कमी आइल बा ।

उ उद्योगमे लाहीक तेल ८६.३३, चाउर २१.३७, गहुँके पिठा ३९.८०, चिनी ७.३४ ओ साबुनके ६६.८० प्रतिशतसे उत्पादन हास हुइल बा । समीक्षा अवधिमे व्यापारिक गतिविधिमे आइल सुस्तता, कच्चा पदार्थके कमी, माग बहे नैसेकना लगायतके कारण वस्तु उत्पादन कैना उद्योगके क्षमता उपयोग घटके उत्पादनमे हास आइल प्रतिवेदनमे उल्लेख रहल बा ।

दृष्टि पाइलपाछे ज्येष्ठ नागरिक खुसी



बैतडी, ५ असार । दुर्गम पहाडी जिल्ला बैतडीमे सञ्चालन करल दुई दिने निःशुल्क आँखी शिविरसे दृष्टि प्राप्त हुइलपाछे ज्येष्ठ नागरिकके अनुहारमे खुसी छाइल बा ।

जिल्ला अस्पताल बैतडी,

दशरथचन्द नगरपालिका ओ नेपाल रेडक्रस सोसाइटी शाखा बैतडीके संयुक्त आयोजनामे तथा नेपाल नेत्र ज्योति संघ, गेटा आँखा अस्पतालके प्राविधिक सहयोगमे सोम्मार ओ मंगरके सञ्चालन हुइल शिविरमे एक सय ४५ जनहनके

मोतिबिन्दुके शल्यक्रिया करल हो ।

शिविरमे पाँच सय १६ जनहनके आँखीके परीक्षण कैके आवश्यक औषधी निःशुल्क वितरण करल गेटा आँखा अस्पतालके नेत्र अधिकृत नरेन्द्र बिष्ट जानकारी डेलै ।

शिविरमे सहभागी अधिकांश ज्येष्ठ नागरिकके आँखीक ज्योति आइलपाछे आपन अनुहारमे चमक आइल अनुभव सुनैले बटै । ‘आब छावाछाइक मुह हेरे पैना हुइल,’ बैतडीके दशरथचन्द नगरपालिका-५ के ७२ वर्षीया बमकला बोहरा बटैली । दुर्गम क्षेत्रके नागरिकलाई स्थानीयस्तरमे आँखीक स्वास्थ्य सेवा देना शिविर आयोजना करल गेटा आँखा अस्पतालके नेत्र अधिकृत बिष्ट बटैलै । (बाँकी २ पेजमे)

बाढी र पहिरोबाट जोगिऔं

बाढी र पहिरोबाट हुने जोखिमबाट सतर्क बनौं:

- ❖ सञ्चार माध्यमबाट मौसमको जानकारी प्राप्त गर्ने गरौं,
- ❖ बाढी वा पहिरोको उच्च जोखिम भएको क्षेत्रमा होसियारी अपनाऔं,
- ❖ आपतकालीन झोला (औषधि, टर्चलाइट, खानेकुरा र लुगाफाटा) तयार राखौं,
- ❖ बालबालिका, वृद्धवृद्धा र अपाङ्गता भएका व्यक्तिहरूलाई विशेष ध्यान दिऔं,
- ❖ बाढी पहिरो आएमा सुरक्षित स्थानतर्फ जाऔं,
- ❖ विजुलीका लाइन वा पोलबाट टाढा बसौं,
- ❖ बाढीको समयमा खोलानाला पार गर्दा सतर्कता अपनाऔं,
- ❖ अफवाह नफैलाऔं, सत्य सूचना मात्र आदान-प्रदान गरौं,
- ❖ घाइते वा जोखिममा परेका व्यक्तिको उद्धारमा सहयोग गरौं ।



नेपाल सरकार
विज्ञापन बोर्ड

पेट, छाती, मुटु तथा थाईराइड विभाग

उपचार हुने रोगहरु

- उच्च रक्तचाप, दम तथा मुटु रोगको उपचार
- सुगर (मधुमेह), थाईराइड रोगको उपचार तथा परामर्श
- मिर्गी रोग, प्यारालाइसिस (पक्षाघात) तथा अन्य नशा सम्बन्धी रोगको उपचार
- छाती दुख्ने, पेट दुख्ने समस्याको उपचार
- ज्वरो आउने, टाउको दुख्ने तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



डा. सुमन चौधरी

MBBS, MD (KU)
NMC No. 15308
कन्सल्टेन्ट फिजिसियन



धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ७ सम्पर्क नं. ०९१-५९०३२८, ९७६४२१२७२७, ९७६९९३२१०५

स्माईल चौधरीसे प्रकाशित

सठपाढक : प्रेम चौधरी (९८४८४२२२०७)

कार्यकारी सठपाढक : राम दहित (९८४८४९४५१८)

भाषा सल्लाहकार : दिलबहादुर चौधरी

पहुँचा सठपाढक : कृष्णराज सर्वहारी

कागज़ी सल्लाहकार : अधिवक्ता जोहारीलाल चौधरी

व्यवस्थापक सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८२६४१६०१)

हसुलिया शाखा: नरेन्द्र चौधरी (९८८८५४३०३६)

पहलमानपुर शाखा: जीवन चौधरी (९८४७५०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समेजी अफसेट प्रेस, बेहडी, धनगढी

चिप्स उत्पादक कम्पनीसे किसानसे आलु किनल



लमजुङ, ५ असार । लमजुङके दुई ठो स्थानीय तह तीन सय मेट्रिक टनसे ढेर प्रशोधनयोग्य आलु बिक्री हुइल बा । निर्वाहमुखी खेती करटि रहल राइनास ओ मध्य नेपाल नगरपालिकाके कृषक व्यावसायिक रूपमे प्रशोधनयोग्य आलु खेती कैके उ आलु बिक्री करले बटै ।

आलुके बजार सुनिश्चित करना उत्पादन करनापूर्व किसान ओ व्यावसायिक कम्पनीबिच सम्झौता हुइल रहे । सम्झौताबमोजिम भैरहवास्थित आलु चिप्स उत्पादन करना कम्पनी फस्ट च्वाइस फुड प्रालिसे उत्पादित आलु खरिद करल हो ।

गण्डकी प्रदेश सरकार गैल आर्थिक वर्षसे कृषि ज्ञान केन्द्र लमजुङमार्फत कृषकहे व्यावसायिक आलु खेतीके लाग उत्पादनमे आधारित अनुदानसहित प्रोत्साहन करले रहे । व्यावसायिक आलु खेतीके लाग प्रवर्धनात्मक कार्यक्रम आएलसँगे राइनास ओ मध्यनेपालके कृषक पाँच सय ढेर रोपनी जमिनमे व्यावसायिक रूपमे हिउँदे आलु खेती करल हो ।

कृषकसे उत्पादन करल आलु घरायसी प्रायोजनके लाग आवश्यक मात्रामे ढैके तीन सय मेट्रिक टनसे ढेर बिक्री करल कृषि ज्ञान केन्द्र लमजुङके प्रमुख सुदीप खतिवडा बटैलैं । उहाँक अनुसार

दृष्टि पाइलपाछे...

आर्थिक तथा भौगोलिक कारणसे उपचारसे वञ्चित नागरिकहे यी मेरके शिविरसे राहत मिल्ल बटैडी अस्पतालके प्रमुख डा. सुशील विकके कहाइ बा । उहीसे आघे गत जेठ ३० ओ ३१ गते डोटीके वायलमे सञ्चालन करल अस्टहे शिविरमे २ सय ७९ जनहनके परीक्षण

डिवश ड्राईभिङ सेन्टर

दक्ष चालक बना सक्कु सैद्धान्तिक तथा व्यवहारिक ज्ञान देना प्रयास हमार, सफलता अपनेके ।

सीप सिक्की, स्वरोजगार बनी विद्यार्थी ओ गुणमे अउईयाहुकनहे विशेष छुटसहित... हमार यहाँ दक्ष प्रशिक्षकहुकनसे मोटर साईकल, स्कुटी, कार, जीप ग्यारेन्टीके साथ ड्राईभिङ सिखैनाके साथे फोटोग्राफीके सुविधा समेत उपलब्ध बा ।

नोट: साथे दुरसे अउईया विद्यार्थीके लाग बैटुना व्यवस्था समेत उपलब्ध बा । समयमे सक्कु सिकाह विद्यार्थीहुकनहे सम्पूर्ण नैना सर्वज्ञ जानकारी कराइटी ।

धनगढी, चटकपुर कैलाली फोन. ०९१-४१०२३७ मो.९८४८४३९६८५

पाठकवर्गसे अनुरोध

प्रिय पाठकवर्ग, पहुरा मिडिया प्रालिसे सन्चालित पहुरा दैनिक ओ पहुरा अनलाइनमे हमार सकेसम थारुपन लन्ना कोशिश जारी बा । विचार पेजमे थारु लगायट अन्य जनजातिनके आवाज हमार पहिला प्राथमिकता हो । अपन मनेम लागल उकुसमुकुस बाट अपनेनके फे लिख्के पठाइ सेकि । अपनेक विचार लम्मा हुइ परठ कना नइ हो । आइ कलम पकि, अपन मनक बाट ढेरसे ढेन जनहन बाँटि । पहुरा अनलाइनमार्फत अपन बाट संसार भर पुगाइ ।

—सम्पादक

सुरक्षित विश्व: समृद्धिके मार्ग

विश्वके सबसे सम्पन्न कहलल सातठो देशके ५१ औं शिखर सम्मेलनके लाग तय हुइल समयतालिका (१५-१७ जुन) लग्गे आइलमे आयोजक राष्ट्र क्यानडाके प्रधानमन्त्री मार्क कार्नीहे अन्तर्राष्ट्रिय परिस्थिति तनाउयुक्त हुइना आहट सम्भवतः होसेकल रहे । नैकटि यहोर सम्मेलनस्थल अलबर्टा प्रदेशके क्यानन्यास्किस् नगरमे पहिल दिनके तयारी चलि करलमे उ जरायल-इरान संघर्षके तेसर दिनमे रहे । शुक्रके बिहान इजरायलसे आकाशसे लम्मा दूरीमे मार करना हतियारसहित हवाई आक्रमणसे इरानके संवेदनशील स्थानहे लक्ष्य करटि प्रहार करलपाछे लडाओके थालनी हुइल हो । उ क्रममे इरानके कुछ उच्च सैनिक अधिकारी ओ आणविक केन्द्रमे काम करना वैज्ञानिक मारगिलैं । इरानके प्रत्याक्रमण ओहे दिन साँझसे इजरायलके तेल अविब, हाइफा समेतके बस्तीमे महसुस हुइ लागल, इरानी क्षेप्यास्त्रके इजरायलउप्पर बाक्लो वर्षा हुइल । यी क्रम बुधके बिहान यी हरफ लेखटसम नैरोकल जानकारी अन्तर्राष्ट्रिय सञ्चारमाध्यम डेहल बा ।

विश्वसंस्थाके भूमिका

विश्व शान्ति ओ सुरक्षा खल्लैना स्तरके संघर्षके बारे तत्काल छलफल करेपरना देखके संयुक्त राष्ट्रसंघके सुरक्षा परिषदसे शुके रोज 'संकटकालीन' बैठक बोलाइल रहे ओम्ने चीन ओ रूससे इजरायलके उग्रताप्रति असहमति जनाइल रहे । यी दुनु देशके राजदूतसे इजरायल अकारण इरानउपर हमला कैके अन्तर्राष्ट्रिय कानून ओ राष्ट्रसंघके बडापत्रके मान्यताके उल्लंघन करलमे कडा शब्दमे इजरायलके निन्दा करल रहे । चीनसे चर्को जोखिम नैमोलटसमेत इजरायलहे सचेत करल रहे । यिहेबीच, सुरक्षा परिषदके बाँकी तीन स्थायी सदस्य-राष्ट्र (अमेरिका, बेलायत ओ फ्रान्स) के सर्वोच्च नायक 'जी सेवेन' कहल सात देशके समूहके बैठकमे सामेल हुइना क्यानडाके अलबर्टामे भेला हुइल । वहाँ उहाँक भेट जर्मनी, इटाली, जापान ओ क्यानडाके नेतासँग हुइल ।

अमेरिकी राष्ट्रपति डोनाल्ड ट्रम्पके उपस्थितिसे शिखर सम्मेलनके महत्व टे बहल मने उहाँक सोच ओ कार्यशैलीबारे अन्य सहभागी आश्चस्त नैरहे, हुइ नैसेकल । भेलाके आरम्भमे उहाँ 'आठके समूह' होसेकल क्लबसे रूसहे हटैना 'गल्टी' रहे किहके प्रेससमक्ष टिप्पणी कैडेके उहिनसे सम्मेलनमे युकेनबारे मतैक्य नैहुइना संकेत प्रारम्भमे देखाइठ । रूससे सन् २०१४ मे क्राइमिया कब्जा करलपाछे ओहे बेलासे मास्कोहे समूहसे बाहिर पारल रहे । मास्कोसे कुछ मोर्चामे नाकाबन्दीके सामना फेन करटि आइल बा ।

पचास वर्षआघे अर्थात् सन् १९७५ मे गठित यी समूह आरम्भमे बा देशके किल रहे, क्यानडा एक वर्षपाछे ओम्ने सामेल हुइल । रूसहे १९९७ से सदस्य बनाइल रहे । अइसिके छ से सात ओ सातसे आठ हुइल समूहहे सम्मेलनहे यीचो ट्रम्प बीचमे छोरके नैगल यी व्यवहारतः फेन छ मे पुगल ! जा होए, सम्मेलन ओराइटसम यिहिनहे सातके समूह

कहिगिल । सातके समूहसे विश्वभरके गार्हस्थ्य उत्पादन (जीडीपी) मे ४४ प्रतिशत हिस्सा ओगटे बा कना मानजाइठ- जोन एक समय ८० प्रतिशतके हाराहारीमे पुगल रहे ।

गुप अफ सेवेन (जी सेवेन) के बैठकमे आयोजक राष्ट्रसे आवश्यक मानके अन्य प्रभावशाली देशके राष्ट्रप्रमुख/सरकारप्रमुखहे विशेष आमन्त्रित करना चलन चलि आइल बा । ओहे अनुरूप, क्यानडाके नयाँ प्रधानमन्त्री कार्नी भारतसे नरेन्द्र मोदी, अस्ट्रेलियासे एन्थनी अल्बेनिजी ओ ब्राजिलसे राष्ट्रपति लुला डी सिल्वासमेतहे निमन्त्रणा करल रहे । मोदीके आगमन होके ट्रम्प इरान-इजरायल संघर्ष चरकल कारण देखाके वाशिंगटन फर्कल रहे । अस्टेक, छुट्टे भेट कैवे अस्ट्रेलिया-अमेरिका सम्बन्ध सुधार करना अल्बेनिजीके योजना

अधिकारसे महत्व पाइल, अर्घेलो इरानके मानगिल । इरान-इजरायल संघर्षहे विराम डेहेपरना कलेसे फेन यम्ने अडचन करैना कारक इरान हो कहिगिल । ओ, चालु युद्धसे खनिज तेलके भण्डार रहल कहल मध्यपूर्वमे अस्थिरता देखापरल । आदि, इत्यादि । जलवायु परिवर्तन ओ व्यापार सहजीकरणसँग सम्बन्धित विषय कार्यसूचीमे नैपरल कलेसे फेन हुइना हुइल । ट्रम्पसे अमेरिका भित्रना मालवस्तु ओ सेवामे चर्को भन्सार दर तोक्डेके चीन, युरोपेली संघ, क्यानडासमेत टमान देश अमेरिकासँग 'व्यापार-युद्ध' मे बा । मने ट्रम्प व्यापार मामिलामे बहस करना अनिच्छुक देखाइल ।

नेपालजस्टे कैयन् देश संयुक्त राष्ट्रसंघके बडापत्रप्रतिके प्रतिबद्धताहे अपन परराष्ट्र नीतिके आधारशीला मान्ति आइल बा । मने दुःखद बाट,

कुछ महिनाआघेसम फेन राष्ट्रपति ट्रम्प क्यानडाहे अमेरिकाके ५१ औं राज्य बनैना धम्की देहटहैं । ओ, 'क्यानडा बिक्रीमे नैहो' सम कहिके प्रधानमन्त्री कार्नी कहे परल रहे । साथे, यिहे मेसोमे हाल उहाँ राजा चार्ल्स तृतीयहे विशेष अनुरोध कैके क्यानडाके भ्रमण कराके अपन देशके स्वतन्त्रता ओ विशिष्ट चिनारीहे पुनःस्थापित कराके । ज्ञातव्य बा, चार्ल्स बेलायत ओ क्यानडाके किल नैहोके अस्ट्रेलिया, न्युजिल्याण्डसमेत जम्मा १४ देशके राष्ट्राध्यक्ष हुइटैं । यी राजतन्त्रीय व्यवस्था सगोलके परिवारसरहके बा । ओइसिन नैहुइना हो टे क्यानडाके हालके प्रधानमन्त्री मार्क कार्नी विगतमे बेलायतके केन्द्रीय बैंक 'ब्यांक अफ इङ्ल्याण्ड' के गभर्नर हुइ पैना नैरहित । मार्क कार्नी भार तके प्रधानमन्त्री मोदीहे न्यौटा कैके दिल्लीसँग फेन सम्बन्ध सुधारके पहल करना अवसर पैलैं । आब दिल्ली ओ ओटावामे रहल कूटनीतिक निकायमे राजदूत नियुक्त हुइना हुइल बा । पूर्व प्रधानमन्त्री जस्टिन त्रुडोके कार्यकालमे क्यानडामे रहल एक सिख नागरिकके हत्याके सन्दर्भमे दिल्लीप्रति आक्षेप लागलपाछे कूटनीतिक सम्बन्धके स्तर भरल रहे । अभिन फेन क्यानडामे बसोबास करना सिख समुदायके कडा विरोधके बाबजुद कार्नी मोदीहे पाहुनाके रूपमे डाकल हो ।

फेन खेर गैल । युकेनके राष्ट्रपति जेलेन्स्की फेन ट्रम्पसमेतके उपस्थितिमे अपन कठिनाइ सुनाइ नैपैलैं । बरु क्यानडा युकेनहे दुई अर्ब डलर बराबरके सैनिक सहायता उपलब्ध करैना वचन डेहल ओरसे जेलेन्स्कीहे टेवा मिलल बा । क्यानडाके यी सदाशयतासे रूसप्रतिके ट्रम्पके भुक्काउबारे समूहमे पर्याप्त मतभेद रहल अनुमान करना गाहो नैहो ।

हो, तेसर दिनके बैठकमे ट्रम्प अनुपस्थित रहलेसे फेन उहाँक कहाइ सम्मेलनस्थलमे निरन्तर चर्चामे रहे, ओ सम्मेलनके आखिरीमे निक्कल निष्कर्षमे समेत प्रतिध्वनित हो कहिके नैछोरलैं । हेरि ना, युकेनबारे सर्वसम्मत वक्तव्य आइ नैसेकल, इरानहे आणविक हतियार बनाइ डेहे नैपरठ कना अमेरिकी अडान कायम रहल । इजरायलके आत्मरक्षाके

अधिकारसे महत्व पाइल, अर्घेलो इरानके मानगिल । इरान-इजरायल संघर्षहे विराम डेहेपरना कलेसे फेन यम्ने अडचन करैना कारक इरान हो कहिगिल । ओ, चालु युद्धसे खनिज तेलके भण्डार रहल कहल मध्यपूर्वमे अस्थिरता देखापरल । आदि, इत्यादि । जलवायु परिवर्तन ओ व्यापार सहजीकरणसँग सम्बन्धित विषय कार्यसूचीमे नैपरल कलेसे फेन हुइना हुइल । ट्रम्पसे अमेरिका भित्रना मालवस्तु ओ सेवामे चर्को भन्सार दर तोक्डेके चीन, युरोपेली संघ, क्यानडासमेत टमान देश अमेरिकासँग 'व्यापार-युद्ध' मे बा । मने ट्रम्प व्यापार मामिलामे बहस करना अनिच्छुक देखाइल ।

नेपालजस्टे कैयन् देश संयुक्त राष्ट्रसंघके बडापत्रप्रतिके प्रतिबद्धताहे अपन परराष्ट्र नीतिके आधारशीला मान्ति आइल बा । मने दुःखद बाट,

यिहे विश्वसंस्था ओ विशेष कैके सुरक्षा परिषदहे प्रभावशाली सदस्य-राष्ट्रसे विश्वमे तनाव कम कैके शान्ति ओ सुरक्षा कायम ढरना पहल करना उपयुक्त मञ्चके रूपमे उपयोग करना यिचो फेन नैचाहल । इजरायल-इरान द्वन्द्वके सिलसिलामे सुरक्षा परिषदके स्थायी सदस्य-राष्ट्रके कूटनीतिक प्रतिनिधिसे परिषदके बैठक कक्षहे बनिबनाउ भाषणाके रटान लगैना माध्यम किल बनैलैं । बडापत्रके धारा ५१ हे आघे सरटि इजरायलके आत्मरक्षाके अधिकारप्रति समर्थन जनैना प्रक्या जारी रहल बा यद्यपि ओइसिन समान मेरिक अधिकार इरानहे फेन प्राप्त नैहुइल नैहो । बेला-बेलामे इरानके राजदूतसे अपन देशके बाध्यता ओ चुनौतीबारे विस्तृत बयान प्रस्तुत करना भर छोरले नैहुइटैं । ओ,

विचार घुमहरि अधिकारी

सुरक्षा परिषद चीन ओ रूससे इरानके जिकिरहे ध्यानपूर्वक सुने लागल बा । मतभेदके यी भलक पाछेक लाग संकेत रहे सेकि ।

इमान्दार प्रयत्न

विश्वभर व्याप्त अनिश्चयके वातावरणहे सडलो परना सातके समूहसे कौनो तात्कालिक उपाय सुभाइ नैसेक्लेसे फेन क्यानडा बैठक बहुपक्षीय हिसाबसे पूरे असान्दर्भिक भर हुइ नैपाइल । काहेकि यीबेर अन्तर्राष्ट्रिय चुनौतीबारे सरोकारवाला कुछ पक्षमाझ घनीभूत बहस ओ समीक्षा नैकैके धर नैपाइल । स्पष्ट बा, अमेरिकाके आड नैपाइल इजरायल आक्रामक हुइल नैहो, ओ ट्रम्पके इशाराबेगर रूस फेन युकेनसँगके द्वन्द्व रोक्न तत्पर नैदेखाइठ । मुख्य बाट, ट्रम्पहे यी कार्यकालमे दिग्विजयी नेता होके निकरना महत्वाकांक्षासे गाँजल बा । टबेमारे आगामी दिन, महिना ओ वर्ष सुस्थिरताके सूचक हुइना अपेक्षा करे नैसेकजाइ । तत्कालके लाग भर आयोजक राष्ट्र क्यानडाके लाग मंगरके रोज ओरडाल सम्मेलन द्विपक्षीय कोणसे समेत लाभदायी रहल विश्लेषकके कहाइ बा । दक्षिणके छिमेकी अमेरिकीसँगके सम्बन्ध थप बिग्रना दिशाओर नैजैना हुइल बा ।

कुछ महिनाआघेसम फेन राष्ट्रपति ट्रम्प क्यानडाहे अमेरिकाके ५१ औं राज्य बनैना धम्की देहटहैं । ओ, 'क्यानडा बिक्रीमे नैहो' सम कहिके प्रधानमन्त्री कार्नी कहे परल रहे । साथे, यिहे मेसोमे हाल उहाँ राजा चार्ल्स तृतीयहे विशेष अनुरोध कैके क्यानडाके भ्रमण कराके अपन देशके स्वतन्त्रता ओ विशिष्ट चिनारीहे पुनःस्थापित कराके । ज्ञातव्य बा, चार्ल्स बेलायत ओ क्यानडाके किल नैहोके अस्ट्रेलिया, न्युजिल्याण्डसमेत जम्मा १४ देशके राष्ट्राध्यक्ष हुइटैं । यी राजतन्त्रीय व्यवस्था सगोलके परिवारसरहके बा । ओइसिन नैहुइना हो टे क्यानडाके हालके प्रधानमन्त्री मार्क कार्नी विगतमे बेलायतके केन्द्रीय बैंक 'ब्यांक अफ इङ्ल्याण्ड' के गभर्नर हुइ पैना नैरहित ।

मार्क कार्नी भारतके प्रधानमन्त्री मोदीहे न्यौटा कैके दिल्लीसँग फेन सम्बन्ध सुधारके पहल करना अवसर पैलैं । आब दिल्ली ओ ओटावामे रहल कूटनीतिक निकायमे राजदूत नियुक्त हुइना हुइल बा । पूर्व प्रधानमन्त्री जस्टिन त्रुडोके कार्यकालमे क्यानडामे रहल एक सिख नागरिकके हत्याके सन्दर्भमे दिल्लीप्रति आक्षेप लागलपाछे कूटनीतिक सम्बन्धके स्तर भरल रहे । अभिन फेन क्यानडामे बसोबास करना सिख समुदायके कडा विरोधके बाबजुद कार्नी मोदीहे पाहुनाके रूपमे डाकल हो । भारतके जनसंख्या ओ विश्व-अर्थव्यवस्थामे ओकर स्तरान्तिके परिप्रेक्ष्यमे यी आवश्यक बा कना कार्नीके ठम्प्याइ हो । यी अवधारणाहे दिल्ली फेन स्वागतयोग्य मानल बाट भारतीय सञ्चारमाध्यम प्रवाहित करटि बा ।

साभार: गोरखापत्र दैनिकसे

जरूरी टेलिफोनके प्रायोजक:			
हमार यहाँ बौडलर मर्गानके मासु सुपथ मोलमे मिलठ । सेवा कर्ना मौका अवश्य देहवी ।	इपिका अतरीया ०९१-५५०१२२ त्रिनागर प्रहरी चौकी ०९१-५२९१८३ जिल्ला प्रहरी कार्यालय ०९१-५२९१५३ इपिका मसुरिया ०९१-५०२०१४ इपिका चौमाला ०९१-६९२५०९ इपिका लम्की ०९१-५४०१९९ इपिका भजनी ०९१-५८०१९९ इपिका सुखुखड ०९१-५२९१६६ इपिका मालाखेती ०९१-५४०१२२ इपिका फल्दे ०९१-६९०३३० इपिका हसुलिया ०९१-५२९१४५ इपिका पाण्डौन ९७४९०१४९०४ सिमा प्रहरी चौकी बहुलिया ०९१-५२९२०६ इपिका टीकापुर ०९१-५६०१९९ स.प्र.वल सिमासुरक्षा धनगढी ५२६९२८	नेपाल बगलादेश बैंक ०९१-५२९७८५ सिटिजन बैंक ०९१-५२७८८५ कुमारी बैंक ०९१-५२६०३८ सलार्वाइज बैंक ०९१-५२७८५० नेपाल इन्वेस्टमेन्ट बैंक ०९१-५२३७०६ एनएमडी बैंक लि.०९१-५२९२९६ सरकारी कार्यालय जिल्ला प्रशासन .०९१-५२९१०१ जिल्ला विकास .०९१-५३२५६० नगरपालिका .०९१-५२९४२९ मालपोत.०९१-५२९२०१, नापी शाखा.०९१-५६०४०२ कृषि विकास .०९१-५२२२५५, भूमि सुधार.०९१-५२९२२४ जिल्ला हुलाक.०९१-५२९५२, नेपाल बाल संगठन: ५२३६६५ अस्पताल सेती अस्पताल.०९१-५२९२७९ नवजिवन ०९१-५२९२३३/५२९७३३ विजय मेडिकल हल धनगढी ०९१-५२३५३५ पदमा धनगढी ०९१-५४०३५५ सेवा लिस्टिङ होम अतरीया ०९१-५४०७९७ एम्बुलेन्स मसुरिया ९७४९०१८०८१ घोडाघोडी अस्पताल सुखड ०९१-६९४७०७ टीकापुर अस्पताल ०९१-५६०१५०	दमकल १०१ नेपाल रेडक्रस सोसाइटी ०९१-५२९३३३ कैलाली उ.वा.संघ ५२९२३७, ५२३९७१ एम्बुलेन्स : ५२९६०० साप्ताहिक एम्बुलेन्स सेवा टीकापुर ९८४५५७५४० विद्युत : ५२९१४५ दिनेश मेडल ०९१-५२९३९२ होटल बिजौली ०९१-५२३९९८/५२९३९९ जगदम्बा०९१-५२३५९०, बिजौली०९१-५२३७३३ तरुण ०९१-५२६६९३, सलार्वाइज०९१-५२९५३६ वर्ल्ड लिंक धनगढी : ५२०१५१ नाल्पाजो०९१-५२२८३०/५२७९१० नेपाल पत्रकार महासंघ : ५२७१२२ शैक्षिक संस्था कैलाली बहुमुखी क्याम्पस ०९१-५२९२२३ सुदूरपश्चिमाञ्चल क्याम्पस ०९१-५२३९१२ पेरवर्ष बहुमुखी क्याम्पस ०९१-५२९७०९ राजनैतिक पार्टी नेपाली कांग्रेस कार्यालय : ५२७१५५ नेकपा (एमाले) कार्यालय : ५२७१०० बसपार्क काठमाडौं धनगढी : ०९१-५२९२५२ एफ.एम दिनेश एफ एम ९३.८ मेगाहर्ट्ज धनगढी: ०९१-५२६७०१

दैलेखके जलजलेमे मिथेन ग्यासके विशाल भण्डारण रहल पुष्टि

दैलेख, ५ असार । नेपालके भविष्य ओज्जार बनैना आशाके संकेत दैलेखके जलजलेसे देखाइ लागल बा । चीनके जिओलोजिकल सर्वे कम्पनी दैलेखमे पेट्रोलियम पदार्थ ओ प्राकृतिक ग्यासके अन्वेषण कार्यके प्रारम्भिक प्रतिवेदन नेपाल सरकारहे बुझैले बा । ओम्ने जलजले क्षेत्र मिथेन ग्यासके विशाल भण्डारण स्थल रहल तथ्य खुलाइल बा ।

विसं २०७८ वैशाख २८ गतेसे सुरु करल पहिल ड्रिलिङ कार्य चार हजार १३ मिटर गहिराइमे पुगाइल रहे । वहाँसे संकलन करल नमूनाके परीक्षणमे एक अर्ब १२ करोड घनमिटर मिथेन ग्यासके भण्डारण रहल पुष्टि हुइल बा । यी जम्मा चार ठो सम्भावित कुवामध्ये पहिल कुईकानके किल प्रारम्भिक नतिजा हो । बाँकी तीन कुईकानके प्रारम्भिक अनुमानअनुसार जलजले क्षेत्रमे कुल चार सय ३० अर्ब घनमिटर ग्यास रना प्रक्षेपण करल बा । यिहिनसे करिब ५० वर्षसम नेपालके ग्यास आवश्यकताहे पूरा करे सेक्ना सम्भावना देखाइल बा ।

खानी तथा भूगर्भ विभागके उप-महानिदेशक तथा पेट्रोलियम अन्वेषण परियोजनाके प्रमुख दिनेशकुमार नापितके अनुसार नेपाल ओ चीनबिच २०१९ मे रहल जिटुजी सम्झौतापाछे यी काम



सुरु करल रहे । “नेपाल सरकारसे दैलेखके जलजले क्षेत्रमे ४५ रोपनी सरकारी जग्गा अन्वेषण प्रयोजनके लाग छुट्याके परियोजना सञ्चालन करल हो, यी अभिनसमके सबसे गहिर ओ वैज्ञानिक रूपमे सम्पन्न करल अन्वेषण परियोजना हो,” नापित कलै ।

उहाँके अनुसार हाल प्राप्त हुइल प्रतिवेदन प्रारम्भिक हो । ग्यासके गुणस्तर, व्यावसायिक उत्पादनके सम्भाव्यता ओ आर्थिक लाभान्शके विषयमे अभिन विस्तृत परीक्षण हुइल बा । चिनियाँ कम्पनीसे सन् २०२५ डिसेम्बरसम अन्तिम प्रतिवेदन देना तयारी करल बा । ओकरपाछे डिसेम्बरभित्रे व्यावसायिक उत्पादन परीक्षण सुरु करना सरकारी

योजना रहल बताइल बा ।

दैलेखके जमिन बरना ग्यास ओ तेल जस्टे पदार्थ चुहल दृश्य स्थानीयके लाग नयाँ नैहो । मने वैज्ञानिक रूपमे यकर पुष्टि करना २०३६ सालसे प्रयास हुइल आइल हो । विसं २०७२ मे संविधान जारी करलपाछे भारतसे लगाइल नाकाबन्दीसे मुलुकभर इन्धन संकट सिर्जना करल । यकरपाछे स्वदेशी ऊर्जा स्रोतप्रति सरकार गम्भीर बन्न बाध्य हुइल । ओहे पृष्ठभूमिमे दैलेख फेन चर्चाके केन्द्रमे आइल ।

यी संकटसे एक अवसर सिर्जना करल । नेपाल स्वदेशी स्रोत पहिचान ओ उत्खननके सम्भावनामे पहिलचो गम्भीर ध्यान केन्द्रित करल ।

विसं २०७५ माघमे नेपाल-चीन बीच पेट्रोलियम अन्वेषणके लाग हस्ताक्षर हुइल सम्झौतासे एक प्राविधिक प्रगति किल नैहोके, रणनीतिक सन्देश फेन बोक्ल बा ।

प्रारम्भिक अन्वेषणमे नेपाली तथा चिनियाँ प्राविधिकसे दैलेखके शिरस्थान ओ नाभिस्थान क्षेत्रमे निरन्तर बहल ग्यास पेट्रोलियम पदार्थ रहल पुष्टि करले रहे । दैलेखके छ-सात ठाउँमे पेट्रोल तथा ग्यास खानी रहल प्राविधिकके अनुमान बा ।

टमान पहिले करल सभसे फेन यहाँ पेट्रोलियम पदार्थ वा ग्यास रहे सेक्ना सम्भावना पाइल रहे । आबके चरणमे ओकर परिमाण ओ गुणस्तरबारे विस्तृत रूपमे यकिन करल बा । अबके परियोजना चीनके पूर्ण अनुदानमे सञ्चालित नमुना (पाइलट) परियोजना हो । यी चिनियाँ सरकारके जियोलोजिकल सर्वेके आर्थिक तथा प्राविधिक सहयोगमे सञ्चालित हो । ओकर प्रारम्भिक लागत अनुमानित दुई अर्ब ५० करोड रहे । कोभिड-१९ महामारीलगायत विविध कारणसे कार्यान्वयनमे ढिलाइ होके लागत फेन बहल रहे ।

नेपाल सरकारके खानी तथा भूगर्भ विभागसे ‘पेट्रोलियम अन्वेषण प्रवर्धन परियोजना’ स्थापना कैके जग्गा अधिग्रहण, सडक ओ विद्युत् पहुँच विस्तार तथा प्रशासनिक समन्वयके काम सहजीकरण करल रहे । यिहिनसे स्थानीय जनप्रतिनिधि, प्रशासनिक संयन्त्र वा अन्य कौनो पक्षसे अवरोध नैहुइल । परियोजनासे अन्तिममे सार्थकता पाइलपाछे दैलेखवासी तथा सरोकारवाला निकाय उत्साहित हुइल बटै । उत्खनन, प्रशोधन, आपूर्ति शृंखला तथा प्राविधिक काममे संलग्न जनशक्तिके कारण स्थानीयस्तरमे रोजगारीके अवसर वृद्धि हुइना ओ उद्योगमैत्री वातावरण बन्ना उद्योग वाणिज्य संघ दैलेखके अध्यक्ष नरेन्द्र थापा जानकारी देलै ।

मुलुकके ऊर्जा सुरक्षाके लाग यी परियोजना एक ऐतिहासिक अवसर सावित हुइ सेक्ना विश्वास लेहल बा । प्रारम्भिक अनुमान अनुसारके भण्डारण पुष्टि हुइलमे नेपाल इन्धन आयातमे निर्भर हुइपरना अवस्थासे मुक्त होके स्वदेशी स्रोतसे ऊर्जा उत्पादन ओ वितरण करे सेक्ना अवस्थामे पुना बटाजाइठ ।

अन्तर्राष्ट्रिय

इरान-इजरायल द्वन्द्वके असरः टर्की सीमा सुरक्षा बहाइल



काठमाडौं, ५ असार । इरान ओ इजरायलबिच हुइल तनावकापाछे टर्की अपन सीमामे सुरक्षा बहाइल रक्षामन्त्री यासर गुलर बटैले बटै ।

छिमेकी इरानमे हालके घटनाके कारण सीमानामे सुरक्षा उपाय बहाइल गुलरसे पूर्वी सीमावर्ती प्रान्त भानके भ्रमणके क्रममे बताइल बा ।

तेसर सेना कमाण्डके कमाण्डरसँगके भिडियो टेलिक्न्फरेन्समे बोल्ति गुलरसे टर्की जारी विकासक्रमहे ध्यानमे ढरटि सीमा सुरक्षाके उच्च अवस्था कायम ढरना बताइल बा ।

गुलरसे इजरायलके सैन्य कारबाही बारे फेन टिप्पणी करटि टर्की इरानउपर हालके आक्रमणके निन्दा करलै । अन्तर्राष्ट्रिय समुदायहे अन्तर्राष्ट्रिय ओ घरेलु आलोचनाके लाग इजरायलके बेवास्ताके रूपमे वर्णन करल बाटहे सम्बोधन करना थप आग्रह करलै ।

पाछेके चरणके शत्रुता जुन १३ मे इरानमे इजरायली हवाई आक्रमणसे सुरु हुइल । आधिकारिक तथ्यांकअनुसार तनाव सुरु हुइलसे इरानमे लगभग ६ सय ओ इजरायलमे २४ जहनके मृत्यु होसेकल बा ।

बैतडीके सुन्यामे ठेउला संक्रमण पुष्टि

बैतडी, ५ असार । बैतडीके सुन्या गाउँपालिका-७ ओ ८ मे ठेउला रोगके संक्रमण पुष्टि हुइल बा । स्वास्थ्यकर्मीहुकनके टोली प्रभावित क्षेत्रमे स्थलगत अनुगमन कैके १२ जहनसे ढेरमे संक्रमण देखाइल जनाइल बा । यी संक्रमणसे बालबालिका ढेर प्रभावित हुइल ओरसे स्वास्थ्य शाखा तथा स्वास्थ्य कार्यालय बैतडीके समन्वयमे विशेष सतर्कता अपनाइल बा ।

सुन्या गाउँपालिकाके स्वास्थ्य शाखा प्रमुख रामसिंह महारा संक्रमितके शरीरभरी विमिरा अइना, ज्वरो अइना, खोकी लगनालगायतके लक्षण देखाइल जानकारी देलै । ‘प्रभावित बिरामीहे छुट्टे आइसोलेसनमे ढरना आग्रह करल बा,’ उहाँ कलै । यद्यपि, स्वास्थ्यकर्मीहुके घरदैलोमे पुगे प्रारम्भिक उपचार तथा सचेतनामूलक

कार्यक्रम सञ्चालन करल बा । यिहेबिच, उ क्षेत्रमे देखाइल रोग ठेउलाके संक्रमण हो कि कना यकिन करना विश्व स्वास्थ्य संगठन (डब्लुएचओ) के टोली प्रभावित क्षेत्रमे पुगे लागल बा । स्वास्थ्य शाखा प्रमुख महाराके अनुसार डब्लुएचओके टोली बिफके बिहान सुन्या-७ ओ ८ मे स्थलगत अनुगमन तथा परीक्षण करे गैल बा । यीआधे स्वास्थ्य कार्यालय बैतडीसे प्रभावित क्षेत्रमे स्वास्थ्यकर्मीके टोली खटासेकल रहे । शिखरपुर स्वास्थ्यचौकीके प्रमुख वीरबहादुर बोहरा प्रभावित बस्तीमे निरन्तर स्वास्थ्य सेवा तथा सचेतनामूलक कार्यक्रम सञ्चालन होसेकल जानकारी देलै । ‘रोग थप फैले नैडेना नियमित निगरानी, सचेतना ओ उपचारात्मक सेवा संगसंगै सञ्चालन करटि बटि,’ उहाँ कलै ।

संघीयतापाछे महिलाहे रोजगारी सहज

दार्चुला, ५ असार । संघीयतापाछे दार्चुलाके १६३ जाने महिला प्रत्यक्ष रूपमे रोजगारसँग जोरल बटै । अन्य पेसा, व्यवसाय ओ रोजगारीसँग जोरल महिलाके संख्या ढेर हुइ सेक्ना रलेसे फेन संघीयता स्थापनापाछे उत्पादनमूलक उद्योग स्थापना कैके रोजगारीसँग प्रत्यक्ष रूपमे जोरल महिलाके संख्या १६३ बा कलेसे पुरुषके संख्या १०९ रहल बा ।

संघीयता स्थापना हुइल बरस २०७२ सालसे हालसम १६३ ठो उत्पादनमूलक उद्योग दर्ता होके सञ्चालनमे रहल घरेलु तथा साना उद्योग कार्यालय दार्चुलाके सूचना अधिकारी गणेश गिरी जानकारी देलै ।

महिलाहे उत्पादनमूलक उद्योगसँग जोरके आत्मनिर्भर बनाइक लाग सक्नु तहके सरकारसे महिलाके क्षेत्रमे रोजगारीके अवसर सिर्जना कैना मेरके काम करटी रहल बटै । संघीयता स्थापनापाछे जिल्लामे मसला उद्योग, बेकरी उद्योग, अल्लो प्रशोधन उद्योग, गलैचा उद्योग, नमकिन बनैना उद्योग, फर्निचर उद्योग जैसिन उत्पादनमूलक उद्योग स्थापना हुइल बावै ।

जिल्ला सदरमुकाम खलंगामा रहल अपिनाम्पा अल्लो उद्योगसे उत्पादित अल्लोके कपडा नेपाललगायत अन्य मुलुकमे प्रख्यात रहल बा ।

उद्योगमे स्थानीय १० जाने महिलाहे रोजगारी प्रदान करल उद्योगका सञ्चालक विमलादेवी जोशी बटैली । “संघीयता



आइलपाछे महिलाहे हरेक चीजमे सहज हुइल बा, सिप अनुसारके गाउँघरमे रोजगारी मिलठ,” उहाँ कहली । मालिकार्जुन गाउँपालिका-७, खेतारके भागरथी चन्द आर्थिक बरस २०७६/७७ मे घरेलुमे बाखापालन फार्म दर्ता कैके बाखापालन सुरु करल रहलिट । सुरुमे पाँचठो छेप्रीन्से सुरु करल व्यवसाय अब्बे पैतिस/चालिस ठो रहल बटै । फार्म दर्ता करेबर अपने नाउँमे दर्ता करल उहाँहे सेवा शुल्कमे समेत छुट करल रहे ।

बाखापालन व्यवसायबाट घरखर्चलगायत दुई छाड ओ एक छावाहे तराईके विद्यालयमे शिक्षा देहुवाइटी रहल उहाँ बटैली । “बाखापालन व्यवसायसे वार्षिक चार/पाँच लाख आम्दानी हुइठ, बालबच्चाके खर्च ओ घरखर्च चलैना सहज हुइल बा,” उहाँ कहली । दार्चुलामे आव २०७४/७५ मे २२ ठो उद्योग, २०७५/७६

मे ५५, २०७६/७७ मे सात उद्योग, २०७७/७८ मे १३ उद्योग, २०७८/७९ मे २५ उद्योग, २०७९/८० मे २६ उद्योग, २०८०/८१ मे नौ उद्योग ओ चालु आव २०८१/८२ के हालसम सात उद्योग सहित १६४ उत्पादनमूलक उद्योग दर्ता हुइल उहाँले जानकारी देहल बा ।

श्रम तथा रोजगार कार्यालयको जनहितमा जारी सन्देश

- श्रम तथा रोजगार कार्यालयको जनहितमा जारी सन्देश
- रोजगार सम्झौता गरेर मात्रै काममा लागौं र लगाऔं ।
- औपचारिक तथा अनौपचारिक क्षेत्रका सम्पूर्ण श्रमिकको न्यूनतम ज्याला रु. १७,३००/- अनिवार्य रुपमा कायम गरौं/गराऔं ।
- समान कामको समान ज्याला लैगिक आधारमा पारिश्रमिकमा विभेद गर्नु कानूनी अपराध हो ।
- कार्य स्थलमा श्रमिकलाई सुरक्षाका उपकरणहरू उपलब्ध गराई काममा लगाऔं, लैगिक हिसाको अत्य गरौं ।
- बालश्रम कानूनी रुपमा दण्डनिय अपराध हो । बालश्रम नगरौं/नगराऔं ।
- श्रम अडिट प्रत्येक वर्षको पौष मसान्तभित्र अनिवार्य रुपमा पेश गर्नु/गराउनु उद्योग/प्रतिष्ठानको कर्तव्य हो अन्यथा नियमानुसार कारवाही गरिने छ ।
- असल श्रम सम्बन्धको आधार सामाजिक सुरक्षा र रोजगार औद्योगिक दुर्घटना न्यूनीकरण गरौं व्यवसायजन्य रोग लानबाट बचौं ।
- श्रम ऐन, २०६४ र नियमावली, २०७५ को पूर्णरुपमा कार्यान्वयन गरौं ।
- वैदेशिक रोजगारीमा जाँदा अनिवार्यरुपमा श्रम स्वीकृति गरेर जाऔं ।



श्रम तथा रोजगार कार्यालय

धनगढी, कैलाली

सुदूरपश्चिम प्रदेशको अत्याधुनिक सुविधा सम्पन्न हस्पिटल

निसर्ग हस्पिटल एण्ड रिसर्च सेन्टर प्रा.लि.

उपलब्ध विशेषज्ञ सेवाहरू...

स्वास्थ्य सम्बन्धी कुनैपनि रोगको सफल उपचार तथा परामर्शको लागि सम्पर्क गर्नुहोला

HELO 091-527000/01/02
EMERGENCY 9865680100
SUPPORT CALL 9804600745

हसनपुर, धनगढी-५, कैलाली, नेपाल
nisargahospitalnepal@gmail.com | nisargahospitalnepal

24 घण्टा
आवश्यक सेवा

मनसुनजन्य विपदसे बचक लाग पूर्व तयारी मोहना लडियामे डुबके एकके मृत्यु

कञ्चनपुर, ५ असार । मनसुन सक्रिय हुइटी गेल बेला यी बरस विपद् जन्य घटनासे बचक लाग कञ्चनपुरमे पूर्व तयारी सुरु करल बा । जिल्ला विपद् व्यवस्थापन समितिसे नौ पालिकामे मनसुन जन्य विपदके घटनासे बचक लाग पूर्व तयारी सुरु करल हो ।

कञ्चनपुरके दक्षिणी क्षेत्र ओ दोधाराचाँदनी नगरपालिकामे बारह ओ डुबानके समस्या अत्यधिक हुइना हुइल ओरसे उ पालिकामे स्वयम् सेवक खटाके ओइनहे तालिम उपलब्ध कराइल जिल्ला विपद् व्यवस्थापन समिति कञ्चनपुर जनैले बावै ।

जिल्ला विपद् व्यवस्थापन समिति अध्यक्ष तथा प्रमुख जिल्ला अधिकारी लक्ष्मण ठकाल दोधारा चाँदनी नगरपालिकामे ५२ स्वयम् सेवक, लालझाडी गाउँपालिकामे ५० स्वयम् सेवक ओ लालझाडी गाउँपालिकामे २७ जाने स्वयम् सेवकहे पूर्व तयारी तालिम उपलब्ध कराइल बटैलै । बारह प्रभावित वस्ती, समुदाय ओ व्यक्तिके पहिचान कैके विपदके समयमे घर छोर्ना ओ डुबानसे बचैना सहज हुइना प्रमुख जिल्ला अधिकारी ठकालके कहाइ रहल बा ।

स्वयम् सेवकहे आवश्यक सामग्री उपलब्ध करैना फेन पालिकासे छलफल



हुइल उहाँ बटैलै । विपद् आइल बेला उहाँहुके समयमे डुबानमे परलके उद्धार कैना, उचित स्थानमे सर्ना ओ बारह प्रभावित क्षेत्रके समयमे सूचना प्रदान कैना प्रमुख जिल्ला अधिकारी ठकाल बटैलै । ओस्टके, जिल्ला विपद् व्यवस्थापन समितिसे 'मनसुन पूर्व तयारी तथा विपद प्रतिकार्य योजना २०८२' अपडेट करले बा, जौन साउन १ गतेसे लागू हुइना जनाइल बा ।

'हरेक पालिका, गैरसरकारी संस्था ओ सुरक्षा निकायमे आवश्यक सामग्रीके व्यवस्था करल बा,' प्रमुख जिल्ला अधिकारी ठकाल कहलै, 'पालिकामे रहल सामुदायिक प्रतिकार्य समूहहे तत्पर रहना आग्रह करले बटी ।'

बारह प्रभावित क्षेत्रमे कटान ओ डुबानके समस्या निवारण कैना कटान

रोक्ना पूर्व तयारी सुरु करल उहाँ बटैलै । हाल महाकाली लडियामे नेपाली सेनासे गाइडबण्ड निर्माणके काम करटी रहल बा कलेसे अन्य बारह प्रभावित क्षेत्रमे पालिकासे तटबन्ध निर्माणके काम करटी रहल जनाइल बा ।

विपदसे बचक लाग बन्दोबस्त सामग्रीके तमतयार अवस्थामे राखल प्रमुख जिल्ला अधिकारी ठकाल बटैलै । विपद प्रतिकार्य योजनामे पहिचान कैके उहे अनुरूप आवश्यक परल बेला संयन्त्र परिचालन कैना उहाँ बटैलै ।

ओस्टके, सशस्त्र प्रहरी बल नेपाल न.३५ गण हे.क.वा. शैलेश्वरी कञ्चनपुरसे जिल्लाके टमान ६ स्थानमे विपद् बेस क्याम्प खडा करल बा ।

मनसुन जन्य विपदमे परलहे तत्काल उद्धारके लाग बेस क्याम्पस खडा करल

सशस्त्र प्रहरी बल नेपाल न.३५ गण हेड क्वार्टर शैलेश्वरी कञ्चनपुरके प्रमुख लोकेन्द्र भट्ट जानकारी डेलै । उहाँके अनुसार, शुक्लाफाँटा नगरपालिका १२ कालागोडी, गड्डाचौकी, भुजेला, कृष्णपुर नगरपालिका ५ सीमरी, बेलौरी नगरपालिका १० भुडा ओ दोधाराके कुतियाकभरमे विपद् बेस क्याम्प खडा करल बा । प्रति बेस क्याम्पमे १० जाने जनशक्ति परिचालन करजैना उहाँके कहाइ रहल बा । हाल जिल्लामे विपद्सम्बन्धी तालिम करल ४० जाने जनशक्ति उपलब्ध रहल बटै ।

उहाँके अनुसार, जिल्लामा विपद् सूचक तयार कैटी योजना फेन आघे बहाइल बा । हाल १२ सय विपद् सूचक तयार करल शैलेश्वरी कञ्चनपुरके प्रमुख लोकेन्द्र भट्ट जानकारी डेलै । उहाँ कहलै, 'प्रत्येक वडामे २५ सूचकके दरसे ९३ वडामे २३ सय विपद् सूचक तयार करटी बटी ।'

पहुरा समाचारदाता

धनगढी, ५ असार । कैलालीके मोहना लडियामे डुबके एक पुरुषके मृत्यु हुइल बा ।

कैलारी गाउँपालिका-७ रामपुरके ४५ वर्षीय दुलाराम चौधरीके लडियामे डुबके मृत्यु हुइल हो । जिल्ला प्रहरी कार्यालयके अनुसार मृतक चौधरी बुधके लडियामे लहैना क्रममे घोडघोडियामे डुबल रहि ।

चौधरी लडियामे डुबलपाछे इलाका प्रहरी कार्यालय रामपुर ओ भुइयाँफाँटा बिओपीसे खटल नेपाल प्रहरी ओ सशस्त्र प्रहरीके संयुक्त टोली खोजतलास करल रहे ।

खोजतलासके क्रममे चौधरी मृत फेला परल जिल्ला प्रहरी कार्यालयके प्रवक्ता प्रहरी नायब उपरीक्षक राजकुमार सिंह जानकारी डेलै ।

यहोर गौरीगंगामे खोलुवामे पुहके एक पुरुष मृत्यु हुइल बा ।



गौरीगंगा नगरपालिका-२ चौमालामे खोलुवा पुहाइबर अन्दाजी ६० वर्षीय नरबहादुर ताम्राकारके मृत्यु हुइल हो । बुधके साँझ ५ बजे पुरान चौमाला बजारसे घर जैना क्रममे चौमाला खोलुवा पुहाइबर ताम्राकार बेपत्ता हुइल रहि ।

बेपत्ता ताम्राकारके खोजीकार्य करेबर बिफेक सकारे खोलुवामे शव फेला परल इलाका प्रहरी कार्यालय चौमालाके प्रहरी सहायक निरीक्षक योगेन्द्र बलायर जानकारी डेलै ।

बाढी र पहिरोबाट जोगिऔ

बाढी र पहिरोबाट हुने जोखिमबाट सतर्क बनौ:

- सञ्चार माध्यमबाट मौसमको जानकारी प्राप्त गर्ने गरौ,
- बाढी वा पहिरोको उच्च जोखिम भएको क्षेत्रमा होसियारी अपनाऔ,
- आपतकालीन भोला (औषधि, टर्चलाइट, खानेकुरा र लुगाफाटा) तयार राखौ,
- बालबालिका, वृद्धवृद्धा र अपांगता भएका व्यक्तिहरूलाई विशेष ध्यान दिऔ,
- बाढी पहिरो आएमा सुरक्षित स्थानतर्फ जाऔ,
- विजुलीका लाइन वा पोलबाट टाढा बसौ,
- बाढीको समयमा खोलानाला पार गर्दा सतर्कता अपनाऔ,
- अफवाह नफैलाऔ, सत्य सूचना मात्र आदान-प्रदान गरौ,
- घाइते वा जोखिममा परेका व्यक्तिको उद्धारमा सहयोग गरौ ।



धनगढी उपमहानगरपालिका

नगर कार्यपालिकाको कार्यालय

धनगढी, कैलाली

सुवर्ण अवसर ! सुवर्ण अवसर !! सुवर्ण अवसर !!!



डा. संजयकुमार गुप्ता

एम.बि.बि.एस., एम.डि. (टि.यु.)

इन्टरनल मेडिसिन वरिष्ठ

कन्सल्टन्ट फिजिसियन (पेट,

छाती, मुटु, कलेजो, मधुमेह

(सुगर), प्रेसर, तथा थाईराइड

रोग विशेषज्ञ

एन.एम.सी. नं.-१०५६४

डाक्टरद्वारा दिइने स्वास्थ्य सेवाहरू

- मुटु दुखेको, मुटु भारी जस्तो भएको, मुटुको धडकन बढेको ।
- सास लिन गाह्रो हुने, छाती दुख्ने, रूघाखोकी लागेको, खकारबाट रगत देखिने, लामो समयदेखि दमको समस्या भएको ।
- पेट दुख्ने, कोखा दुख्ने, मुखबाट रगत बग्ने ।
- अमिलो पानी आउने, द्याउ-द्याउ आउने, उल्टी हुने, पेट फुलेर खान मन नलाग्ने ।
- पिसाब पोल्ने, रातो पिसाब आउने, कम पिसाब हुने, पिसाब बन्द हुने, राति धेरै पटक पिसाब हुने, खुट्टा सुनिने, पहेलो पिसाब हुने)
- पेट फुल्ने, हात खुट्टा सुनिने, पेटमा पानी जम्ने, जण्डिस हुने, खाना नरुच्ने, दम हुने ।
- धेरै मोटो हुने, निन्द्रा धेरै लाग्ने, मुटुको धडकन बढ्ने, आँखा बाहिर आउने, मान्छे एकदम पातलो हुने ।
- टाउको दुख्ने, चक्कर लाग्ने, हिँड्दाखेरि लडिबुडी हुने, निन्द्रा नलाग्ने, हिँड्दा खेरि दम हुने ।
- धेरै तिखा लाग्ने, धेरै पिसाब हुने, धेरै खान मन लाग्ने, हातखुट्टा भ्रम-भ्रम गर्ने ।
- सुगर, प्रेसर, थाइराइड रोगको उपचार तथा परामर्श ।
- ज्वरो सम्बन्धी सम्पूर्ण रोगको उपचार ।
- शरीरमा रगत कम हुने, अल्छी लाग्ने, शरीर सुनिने, थाक्ने ।
- बाथ रोग सम्बन्धी उपचार तथा परामर्श ।

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हावा सेवाहरू : १) २४ घण्टा ईमर्जेन्सी सेवा, फार्मसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थिएटरबाट सेवा, वातानुकुलीन एम्बुलेन्स, वातानुकुलीन क्याबिन । २) स्त्री रोग तथा प्रसूती सम्बन्धी सेवा (बाँझपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) ल्याप्रोस्कोपी तथा जनरल सर्जरी (हाडडोसिल, हर्निया, पायल्स, फिस्टुला, स्तनमा गाँठागुठी आउने, शरीरका विभिन्न भागमा गाँठागुठी, घाउ खटिरा, पत्थरी, किडनीको पत्थरी, प्रोस्टेटको अपरेसन तथा पित्तथैलीको पत्थरी अपरेसन) । ४) हाड(जोर्नी) तथा नशा सम्बन्धी सेवा (हाटखुट्टा बाङ्गो, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेशिनबाट हड्डीको अपरेसन)छाती, मुटु, कलेजो तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुछो पनु, टाउको दुख्ने जस्ता समस्याहरू, प्यारालाइसिस हातखुट्टा नचल्ने सम्बन्धी सेवा । ९) न्युरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हातखुट्टा बाङ्गिएको र खुँडको अपरेसन आदि सेवा ।




कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-५२४५५५, ५२४६५४, ५२९२४९

सडकसे जीवनशैलीमे सुधार



बैतडी, ५ असार । सुदूरपश्चिम प्रदेश सरकारके पहलमे निर्माण हुइटी रहल सतबाज-श्रीभावर-हाट-दाचुला सडक आयोजनासे बैतडी जिल्लाके ग्रामीण भेगके बासिन्दाके दैनिकीमे सकारात्मक परिवर्तन लल्ने बा ।

विगतमे डशैंडेवारीपाछे कामके खोजीमे भारत जैना बाध्य रहल सुन्या गाउँपालिका-७ के धनबहादुर महारा पाछेक दुई बरससे गाउँमे कृषि पेसामे रमैटी रहल बटै । सडक पहुँच विस्तारसँगै गाउँमे उत्पादन करल टिनाटावन बजारसम सहजे आपूर्ति हुइ लागलपाछे महारालगायतके कृषक आन्तरिक रोजगारीमे आकर्षित हुइ लागल हुइट ।

पहिले उत्पादन करल टिनाटावन बजारमे लैजाइ नैसेकके खिरबासे जाए, अब्बे सडक सञ्जाल विस्तार हुइलसँगै व्यापारी फोन कैके टिनाटावन मगैना करल महारा बटैलै ।

ओस्टके सुन्या-६, मल्लाढोलेके टेकेन्द्र बोहोरा फेन सडक पूर्वाधारके विस्तारसँगै लाभान्वित हुइल बटै । पहिले

सामान ओसारपसारके लाग डुरसम नेंगे पर्ना बाध्यता रहे । अब्बे थोक व्यापारी बारीमे सामान किने अइठै । सुदूरपश्चिम प्रदेश सरकारके २०७५ चैत ११ के निर्णय अनुसार प्रदेश गौरवके आयोजनाके रूपमे निर्माण हुइटी रहल यी सडकसे बैतडी जिल्लाके मध्य तथा दुर्गम भेगके बासिन्दाहे सुलभ आवागमनके सुविधा उपलब्ध करैले बा ।

८० किलोमिटर दूरीके सतबाज-दाचुला सडकखण्डमे हालसम ६० किलोमिटरमे नियमित सवारी सञ्चालन हुइटी रहल बा । चालु आर्थिक बरसमे ४८ करोड ८२ लाख रुपियाँ बजेट

विनियोजन होके स्टरोन्तित तथा कालोपत्रे कैना काम तीव्र गतिमे आघे बहटी रहल पूर्वाधार विकास कार्यालय बैतडीके प्रमुख धीरेन्द्र भट्ट जानकारी डेलै ।

ओस्टके श्रीभावर-हाट खण्ड अन्तर्गत २२ किलोमिटर सडकके ११ किलोमिटर कालोपत्रे हुइल ओ बाँकी खण्डके कालोपत्रे २५ करोड रुपियाँके ठेकामे आघे बहटी रहल कार्यालय जनैले बा ।

“सडक सञ्जाल विस्तारसँगै स्थानीयवासीके जीवनशैली सहज हुइल बा,” सुन्या-५ के देवसिंह कहलै, “सिँचाइके सुविधा रहल ठाउँमे कृषक व्यावसायिक टिनाटावन खेती विस्तार करले बटै । छोटछोट कामके लाग भारत जाइ पर्ना बाध्यता हटल बा ।”

पुर्चौडी-७, कोटिलाकी बागमती ऐरके अनुसार पहिले सदरमुकाम पुर्ना दुई दिन लगा करलमे अब्बे चार/पाँच घण्टामे पुगे सेकजैना अवस्था सिर्जना हुइल बा । सीमावर्ती भुलाघाटसम सहज आवागमन सुरु हुइलपाछे उपभोग्य वस्तु सस्ता मूल्यमे बजारमे लाने सेकजैना तथा कृषिजन्य वस्तुके सहज बजार व्यवस्थापनसमेत सम्भव हुइल स्थानीयवासी बटैले बटै ।

छालारोग सम्बन्धी अत्यन्त जरूरी सूचना

यहि मिति २०८२/०३/०५ गते बिहीबारका दिन निम्न समय र स्थानमा छालारोग शिविर सञ्चालन हुने भएकोले कैलारी गाउँपालिका वडा नं. १ का छालामा समस्या भएका महानुभावहरूलाई समयमा उपचार गरी मौकाको फाइदा उठाउन हुन अनुरोध छ ।

स्थान: मनाउ आधारभूत स्वास्थ्य केन्द्र, कैलारी गाउँपालिका-१, कैलाली

समय: बिहान १०:०० बजेदेखि ५:०० बजेसम्म

आयोजक: स्वास्थ्य कार्यालय, धनगढी, कैलाली

ग्राहक वर्गहरूमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरू पाइनुका साथै मर्मत पनि गरिन्छ र सबै कम्पनीका हेलमेट र पार्टसहरू थोक तथा खुद्रा मूल्यमा पाइन्छ ।

कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौ ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)

फोन न. ०९१४१०१०५, सुजित मो. ९८५८४२३९१२, सुनिल मो. ९८६७७९३५२९, महेश मो. ९८१३१३१०२९